



唐大詔令集卷第四十四

大臣

宰相

命相一

裴寂蕭瑀左右僕射制

裴寂司空制

長孫无忌右僕射制

房玄齡杜如晦左右僕射制

李靖右僕射制

長孫无忌司空制

溫彥博右僕射制

高士廉左僕射制

長孫无忌司徒制

房玄齡司空制

狄仁傑內史制



韋嗣立平章事制

崔日用叅知機務制

姚元之同三品制

張說檢校中書制

刘幽求知軍國大事制

刘幽求同二品制

張說中書令制

姚崇兼紫微令制

盧懷慎平章事制

盧懷慎檢校黃門監制

源乾耀平章事制

宋璟兼黃門監蘇頲平章事制

張說同三品制

張說兼中書令制

裴寂蕭瑀左右僕射制

端揆之職綜理百司任望斯重勲賢攸寄尚書左僕射魏國公寂風格淹粹局量弘雅早預經綸元功特著燮諧治本茂績以宣中書令宋國公蕭瑀志懷貞確業履冲素歷居顯要厲精治術獻納惟允周順有聞且穆彛章允釐庶政寂可尚書左僕射瑀可尚書右僕射

裴寂司空制

槐路清肅台階重峻經邦綸道燮諧是屬然而表德優賢昔王令典庸勲紀續列代通規尚書左僕射魏國公寂地胄清華風神閑悟立志温裕局量弘雅爰自義旗早叅締構冥契所感實資同德譬茲梁棟有若益梅翊贊綢繆庶政惟允厯居端揆彛章緝務元功懋德寵秩未臻宜處鼎司膺茲重望可司空

長孫無忌右僕射制

望隆朝右任重國鈞尚想風猷義惟賢戚吏部尚書齊國公長孫無忌識量宏遠神情警發道照措紳才資文武樽俎之策電斷風馳干戈所指雲銷霧澈幾深之理彌著忠義之節以彰斯固立德佐時降靈輔闕宜期以翼贊授之端揆可尚書右僕射

貞元七年七月

房玄齡杜如晦左右僕射制

尚書政本端揆任隆自非經國大材莫或斯奉中書令兼太子詹事邢
國公房玄齡器宇沉邃風度宏遠譽彰遐迩道冠簪纓兵部尚書檢校
侍中蔡國公杜如晦識量清本神彩凝映德宣內外聲溢廟堂朕自克
平宇縣締攝資始叶贊經綸厥功甚茂深謀祕略動合規矩忠議謹言
事多啓沃及典司樞要綱繆宸宸開物成務知無不為可謂神降英靈
天資人傑並宜愬司衡軸光闡大猷玄齡可尚書左僕射餘如故如晦
可尚書右僕射

貞觀三年二月

李靖右僕射制

端右望隆寄任尤重寔資勲德朝難其選左光祿大夫行兵部尚書代
國公李靖識度宏遠才略優贍博綜機務兼資文武誠著夷險效彰出
納便蕃省達詳謹有聞宜緝彛倫允茲名器可尚書右僕射

貞觀四年八月

長孫無忌司空制

論道台階寔賴明哲丹青神化寄深燮理自非鹽梅是屬棟幹有

歸則曠職俟能因或必備開府儀同三司齊國公無忌器宇凝正風
度峻遠才包文武地兼賢戚誠著草昧之辰業預艱難之始功侔十亂
聲高三傑亮采銓衡庶僚有序儀刑端右彛章以穆自任參鼎司位班
槐路撫挹之美形於縉紳翼贊之規章於帷辰宜崇名器允副具瞻可
司空所司具禮以時冊命

貞觀七年十一月

溫彥博右僕射制

文昌治平端副望隆朝綱所屬選眾斯在中書令虞國公溫彥博體業
貞固孝藝該明器惟瑚璉材稱棟幹任總綵綸職居近密迴心著於帷
幄嘉謀表於尊俎寄深啓沃義切鹽梅宜升禮闈允茲彛序可尚書

右僕射勳封如故

貞觀十三年三月

高士廉左僕射制

司會政本執法任隆歷選攸難惟賢是屬特進尚書中州刺史上柱國
申國公高士廉器宇冲邈機神峻遠材稱棟幹望重指紳地惟姻婭迺
誠著於疇昔業預經綸嘉庸彰於夷險出總方嶽入贊機衡獻替之情
譽光入含銓綜之美聲洽九流啓沃是寄鹽梅斯在宜貳端右允副

式瞻可尚書左僕射特進刺史勲官封並如故貞觀十二年七月

長孫無忌司徒制

古先哲后成正庶官德優者爵高功多者祿厚是以經邦締國必俟蕭曹之勲燮理陰陽允歸鍾華之望司徒趙國公無忌識量弘博風度峻遠地惟親賢材稱梁棟締構霸業茂勲著於艰难弼成王道迺心竭於寅亮益梅是寄丹青攸屬德綜機衡聲猷具舉自升槐鉉歲月亟移固以勒美太常書忠甲令者矣且陟中台式典邦教可司徒貞觀十六年七月

房玄齡司空制

惟天為大資四序以成功惟王建国俟三台以弘化故隆漢受命吳鄧飛聲有晉敷興荀何底績開府儀同三司尚書左僕射太子少師上柱國梁國公房玄齡器範忠肅識具明允才稱王佐望乃時英霸圖爰始預經綸之業昂命惟新贊隆平之化誠固金石勲勒鍾鼎自任總庶尹職重朝端心力盡於翼亮憂勞積於歲序而志在沖退有懷止足固陳襄廩屢上表疏然則燮揆禮閣職務寔繁論道槐庭望實攸屬宜加寵命平茲水土可司空貞觀十六年七月

狄仁傑內史制

鸞臺謀惟秉鈞之任為重典綜資倫揮翰之才是屬銀青光祿大夫守納言上柱國汝陽縣開國男狄仁傑地華簪組材標棟幹城府凝深言牆峻邈有八能之藝術兼三冬之文史雅達政方早膺朝寄出移節傳播良守之風入踐臺閣得名臣之體豈惟懷道佐時見期於管樂故以竭誠匡主思致於堯舜元重肅侍則深陳可否百辟在庭則顯言得夫雖從容顧問禮被於皇闈而斟酌輕重事隆於紫誥宜遷掌壺之秩式懋專車之寵可守內史散官勲封如故主者施行聖曆三年十月十八日

常嗣立平章事制

鸞臺鳳池清切鸞渚使繁諷納兩闈允資一德中散大夫守天官侍郎常嗣立當朝人望奕代相門道周性全才高識遠誠以待物寬而容農往司綸翰五字見推洎處提衡九流式序懷宗廟之掌有社稷之能宜竭忠賢翊宣化政可守鳳閣侍郎同鳳閣鸞臺平章事散官如故主者施行長安四年正月

崔日用叅知機務制

英華三百十
蘇頌

門下才為於時以宣可大之業精貫於日以定非常之勳古稱王佐今
乃人傑大中大夫守兵部侍郎兼知雍州長史修文館李士騎都尉安平縣
開國子崔日用果行育德修辭立誠孝則揚親忠於事主堂堂乎貌揚君
子之風諤諤其言蘊大臣之節故能書讀萬卷文窮四始高步登朝平
心待物日者醜孽未殄嘉謀潛斷臨危不顧見義而作是用底寧寔所
繫賴師兵戢矣京兆晏如且緝台堦之政武拜掖垣之寵可銀青光祿
大夫行黃門侍郎參知機務李士勳封如故主者施行唐隆元年七月四日

姚元之同三品制

門下王佐之重師兵之任旁求棟幹膺此具瞻同州刺史姚元之宏略冠
時偉才生代識精鑒遠正辟強季有忠臣之操得賢相之風累踐台衡匡
益斯在頃居藩郡循良是屬載懷一德分命六官訏謨允歸文武兼濟武
憑帷幄之笑宜副韜鈴之委可兵部尚書同中書門下三品先天二年六月

張說檢校中書令制

門下躬命百工傳膺審象漢推三傑良屬運籌不有斯人孰贊予弼尚
書左丞張說居政舍道體真理精朕昔在承華首延博望談經之際欽

若讜言搗翰之間潤色鴻業屢陳匡益見嫉奸回頓雖抗跡疎遠而載
懷飢渴今群兇已服大猷伊始永言亮采光朕側席之期俾茲啓沃成

朕濟川之望宜登鼎鉉式綜絲綸可檢校中書令先天二年七月

劉幽求知軍國大事制

蘇頌

門下尚書佐理四方取則端揆成務百工是師非允具瞻執康庶績封
州流人劉幽求風雲玄感川嶽粹靈季綜九流文窮三變義以臨事精
能貫日忠以成謀用若收水茂勳立艰难之際嘉話盈啓沃之初存謹
直以不同為奸邪之所忌胸臆頭露諸端竊發元宰見逐諛人孔多既
弥群亮方宣大化期問政於經始載登賢於夢卜可依舊金紫光祿大
夫尚書左僕射知軍國大事監修國史上柱國徐國公仍依舊還寔封。
主者施行先天二年八月一日

劉幽求同三品制

門下弼諧庶政亮采有邦不遇人傑孰膺王佐金紫光祿大夫守尚書
左僕射知軍國大事監修國史上柱國徐國公劉幽求偉量天假宏才
代出子產之道四既取諸身咎繇之德九以成其用伊昔構屯感憤謀

始洎于開泰防萌豐初景化俟其丹青諛詞變於白黑頃居炎瘴受釐
之對莫聞重踐台衡從政之言益啓睦茲密勿方聰訐謨具兼委於掖
垣仍具瞻於禮闈可同中書門下三品餘如故主者施行先天二年九月八日

張說中書令制

蘇頌

門下咸有其德委廊廟之元宰知無不為埽掖垣之成務銀青光祿大
夫檢校中書令上柱國燕國公張說含和育粹特表人師懸解精通見
期王佐立言布文武之用定策勵忠公之典才冠代而不有功至大而
若虛自頃弘益時政發揮王道萬事必理一心從乂以觀其獨伯起慎
於四知嘗得其真叔敖謹於三者故能深而不竭久而弥芳宣大號於
紫宸潤昌圖於清禁我憑柱石尔作藍梅正名之謂羣議斯集可守中
書令散官勳封如故先天二年九月十一日

姚崇兼紫微令制

蘇頌

黃門天之紫微地在清禁宰臣為重庶政攸先不有殊才曷云兼寄金
紫光祿大夫兵部尚書同紫微黃門三品監修國史上柱國梁國公姚
崇河山粹氣禮樂清英德量在寬公心益謹詞必體要行之自遠李

以窮微志於可大允茲忠謹光我謀謨聞善若驚欲仁斯至衣冠以為
著蔡廊廟資其柱石朕之欽者管樂之傑者蕭張遂能以身許國開
物成務邦是用乂朝惟得賢北辰環拱四垣近密俾因題劔之榮式演
如絲之命可兼紫微令餘如故主者施行開元元年十月九日

盧懷慎平章事制

門下宰輔之任暮猷是屬不有大才孰康景化黃門侍郎盧懷慎貞良
敦朴孝悌仁厚度量於深江海堅清邁於冰雪事皆体大距現非聖之
書心必在公雅契惟賢之典故能危言正色直道匪躬比之微管而求
得說宜寵瑣闈忝乎鼎坐可同紫微黃門平章事開元元年十二月

盧懷慎檢校黃門監制

黃門古稱納言赤號常伯厥命惟允朕之股肱俾乂成績聿歸良輔銀
青光祿大夫行黃門侍郎同紫微黃門平章事上柱國漁陽縣開國伯
盧懷慎氣資溫厚生於薊比年始英妙出自山東王佐所期人師見屬
考彼楊歷多於獻替學以克其忠謹才以運其清明所謂許國忘身立
朝正色有仲山甫之節成管夷吾之能故其道弥高其心益下可以敷

我王度弼于朕躬用增華於侍帷宜拜寵於叅乘可檢校黃門監散官
黃門如故主者施行開元三年正月十九日

源乾耀平章事制

門下軒夢三相舜舉八元必佇人傑以宣邦政尚書左丞上柱国安陽
縣開國男源乾曜博文強學達識周才貞白可以勵時道義可以弘物
虛懷同於抱月懸鏡不疲利器比於成風刺鍾无滯固可光左曹之駁
議翊中禁之謀猷用叅金鉉之司兼踐王臺之副可黃門侍郎紫微黃
門平章事勳封如故開元四年十一月

宋璟兼黃門監蘇頌平章事制

黃門虞庭稱盛任於獲龍周邦以寧屬於闕散是知出納惟允必俟英
竒啓沃以光實資茂彥銀青光祿大夫守刑部尚書上柱國 平郡開
國公宋璟宇量凝峻執心勁直銀青光祿大夫行紫微侍郎兼知制誥
上柱國許公蘇頌風檢詳密藻思清華或掌憲南宮持平邦典或撫翰
西掖匡輔政途咸竭奉上之心俱尽匪躬之節九流俟其澄序衆務資
其弼諧宜委銓管兼侍帷幄璟可守吏部尚書兼黃門監頌可同紫微

黃門平章事散官勳封並各如故開元四年閏十二月

張說同三品制

門下乾坤以 化成后王以輔弼興理所以寅亮天極緝熙帝圖匪
賴大賢孰寄斯任天兵軍節度大使右羽林將軍兼并州長史攝御史大
夫燕國公兼修國史張說挺其公才生我王國體文武之道則出將入相尽忠貞
之節則前疑後丞諒可以弘此大猷惣其邦政允釐庶績保乂皇家可守兵
部尚書同中書門下三品勳封修國史如故仍即馳驛赴京開元九年九月

張說兼中書令制

中書政本寔管王言咨尔夏卿僉曰惟允兵部尚書同中書門下三品
燕國公張說道合忠孝文成典禮當朝師表一代詞宗有公輔之材懷大臣
之節儲宮侍講早申翼贊台座訏謨備陳匡益入則式是百辟出則賦
政四方嘉績簡于朕心茂功著于王室賚予良弼光輔中興迺眷專車
是稱樞密宜兼出納之任式副具瞻之舉可兼中書令開元十一年二月

唐大詔令集卷第四十五

大臣

宰相

命相二

張說中書令王峻同三品制

韓休平章事制

裴耀卿張九齡平章事制

裴耀卿侍中張九齡中書令李林甫同三品制

陳希烈平章事制

陳希烈左相制

楊國忠右相制

常見素平章制

房琯平章事制

呂鍾平章事制

李峴李揆第五琦平章事制

苗晉卿侍中制

蕭華平章事制

裴遵慶平章制

元載平章事制

劉晏平章事制

楊綰常衮平章事制

蕭復劉從一姜公輔平章事制

劉滋崔造齊映平章事制

李泌平章事制

張說中書令王叡同三品制

門下周稱內史以司號令漢日尚書是主喉舌用平邦國以佐王教兵部尚書兼中書令張說履道休正經德立言吏部尚書王叡忠肅剛簡博聞宏識並才包王佐望重時英內訓五品外清九服嘉謨必盡庶績允康宜叅五臣之命以正三台之象說可中書令叡可兵部尚書同中書門下三品開元四年十一月

韓休平章事制

張九齡

勅思致雍熙聿求元輔久勤寤寐延彼周行大中大夫守尚書右丞上柱國韓休蘊道弘深秉德經遠清裁可以軌物素行可以律人一自登朝備聞體國志存公亮誠著始終而羽翼朕躬金玉王度人望是在朝選無踰宜拜命於瓊闈俾兼和於鼎宴可守黃門侍郎同中書門下平章事開元二年三月

裴耀卿張九齡平章事制

安貞

門下風雲之感必生王佐廊廟之任爰在柱臣中大夫守京兆尹護軍借紫金魚袋裴耀卿舍元精之休體度弘遠正議大夫前檢校中書侍郎年賢院李士仍副知院事上柱國賜紫金魚袋曲江縣開國男張九齡挺天生之秀器識通明並風望素高人倫是仰可以叶彼寅亮當茲啓幹時待士既資鼎寶之和為國急賢寧唯金事之事耀卿可黃門侍郎同中書門下平章事弘文館李士散官勲如故九齡可起復中書侍郎同中書門下平章事兼修國史餘如故王者施行開元十二年十一月

裴耀卿侍中張九齡中書令李林甫同三品制

門下春秋之義尚量卿才王國克楨莫先相位用增其命必正其名中大
 夫守黃門侍郎同中書門下平章事弘文館李士賜紫金魚袋上護軍裴
 耀卿正議大夫中書侍郎同中書門下平章事集賢院李士副知院事
 兼修國史紫金魚袋上柱國曲江縣開國男張九齡經濟之才式是百辟正議大
 夫檢校黃門侍郎賜紫金魚袋上柱國李林甫泉源之智迪惟前人既樞密
 載光而親賢稱甘審能群會所莅有浮寧惟是日疇咨故以多年歷選國
 鈞緊賴邦祀堯清宜命曰鼎臣置之廟廟耀卿可銀青光祿大夫守侍
 中李士勳如故九齡可銀青光祿大夫守中書令集賢院修國史勳如故林
 甫可銀青光祿大夫守禮部尚書門三品勳如故主者施行開元二十二年五月

陳希烈平章事制

翊亮天工緝熙帝載賚手良弼其在是乎光祿大夫行門下侍郎集賢院
 李士副知院事兼侍講崇玄館大李士太清太微宮使上柱國臨 縣開
 國侯陳希烈中黃賦象靈岳誕才識洞精微道含淳粹依仁遊藝惣儒
 門之四科寶檢行慈守玄宗之二德自居近侍忠懿逾彰匪躬懷不二
 之心正色有大臣之節信可以九釐庶績燮贊台階可行門下侍郎同

中書門下平章事集賢院弘文館學士散官勳封如故天寶五年四月

陳希烈左相制

門下仲虺相湯言宣雅誥子魚佐魏任惣中兵將代天工允憑時傑光祿
 大夫門下侍郎同中書門下平章事集賢院弘文館學士崇玄館大學士
 太清太微宮使上柱國臨穎縣開國侯陳希烈逸量宏達英才卓邁既
 履直而成範亦資忠而炳德學該流略義惟守於經門文麗風騷言必
 全於理要自黃樞貳職侍講金華紫府弘真叅謀玉鉉歲月逾久而其
 道弥光人師有屬於在三王度式歌於畫一疇咨既久亮采惟熙宜正
 貂蟬之榮用兼喉舌之寄可行左相兼兵部尚書餘如故天寶六年三月

楊國忠右相制

先王立政必惟擇賢所以時亮天功叶修人紀惣茲三事是屬中樞審于百
 工僉亞相銀青光祿大夫御史大夫判度文事權知太府卿兼蜀郡長史
 持節南劍節度支度營田等副大使本道兼山南西道採訪處置使兩京
 太府司農出納監倉祠祭木炭宮市長春九成宮等使閩內道及京畿採
 訪處置使上柱國弘農縣開國伯楊國忠純粹精明懸解虛受比之管樂

文多体要之詞擬于邴魏武有韜鈴之學直方其道簡易能成往自星
即爰秉天憲邦國大政弘益滋多則造膝後心已期王佐弥綸經濟同
致雍熙况南臺冢宰尤思藻鑒西垣昂座深佇燮和。會予心命尔為
相宜兼密啓式惣如綸可守右相兼吏部尚書集賢殿學士修國史崇
玄館大李士太清太微宮使仍判度友及蜀郡大都督府長史劔南節
度支度營田副大使本道兼山道西道採訪處置使兩京出納句當租
庸鑄錢等使並如故

天寶十一月十一日

韋見素平章事制

門下緝熙帝載必俟大賢砥礪公才允膺殊獎銀青光祿大夫行尚書
吏部侍郎上柱國彭城郡開國公常見素風度宏遠操履真固懷志公
之節守難奪之誠學富墳典每思經濟之義文雄播紳豈獨彫蟲之美
若居東掖顧問有光累拜南宮銓衡式序清素之業惠迪弥彰尔惟不
矜朕志先定信可發揮邦政翊贊台階將弘。卜之感俾協黎元之望
可守武部尚書同中書門下平章事集賢院學士知門下省事散官勳。
如故

天寶八月十三日

房瑄平章事制

勅憲部侍郎房瑄清識雅量工文茂學秉忠義之規靡憚艱險挺松筠
之操寧移移歲寒且承題劔之榮式允濟川之望可文部尚書同中書
門下平章事

天寶十五年七月十四日

呂諲平章事制

出納絲綸是稱喉舌調和鼎鼐必藉監梅况艱難之際擇賢必資於選
衆密勿之地論道固期於得人兵部侍郎呂諲間氣挺生宏才迥發約
官敏行強識博聞謀猷出三傑之先德業處五人之上久以朝列尤推
審慎得鈞黃之慶宜膺補衮之求可同中書門下平章事

乾元二年三月

李峴李揆第五琦平章事制

出納帝命經綸王言兆若見於非熊位必登於仲虺行御史大夫行京
兆尹李峴朝廷碩德宗室蓋臣中書舍人兼禮部侍郎李揆文房學府
命代挺生行戶部侍郎兼御史大夫第五琦武庫智囊膺期間出中和
秀氣維岳降靈可以宣暢謀猷恢弘体要庶得道光風力名重伊臯俱
當人。之辰共舉從繩之直既用登王輔且以道弼予峴可行吏部尚

書同中書門下平章事揆可中書侍郎同中書門下平章事琦可戶部侍郎同中書門下平章事乾元二年三月

苗晉卿侍中制

宰輔之重陶鈞所寄用諧時望必藉素名是以殷登左相伊尹成乎一德漢命舊臣孔光由其再起蓋所以上扶皇極下庇蒼氓永懷寅亮之美寔屬股肱之任特進太子太傅上柱國韓國公苗晉卿衣冠宿望廊廟公才体文雅之宏量負經通之遠識累踐臺閣久彰名器自艰难之際叶贊有勞早契風雲之期倫陳匡濟之術頃以疲疴固辭樞務重違誠懇之志爰假優崇之秩雖訂謨暫間而寤寐无忘今戎事猶虞蒸人未乂漢將且聞於辭第留侯豈遂於停食成余社稷之本懿尔勲庸之望固可勉紆新紱載珥舊貂宜罷輜車之礼俾膺黃閣之政上元元年五月

蕭華平章事制

弼予之選審像是求天步未平廟謀尤切必資明表佇以佐時畫一之才取則不遠正議大夫守河中尹兼御史中丞充本州晉絳等州節度觀察處置使上柱國嗣徐國公賜紫金魚袋蕭華公輔成名承家繼業詞

標麗則德蘊暮明道開雲物之先節貫嚴凝之序早登臺閣多識舊章再履宮坊尤至行致君望美閱相求能且推伊陟之賢更啓漢目之閣環依日月佐理陰陽俾忝政於紫宸用建中於皇極可中書侍郎同中書門下平章事集賢殿崇文館大學士兼修國史散官勳封賜如故上元二年三月

裴遵慶平章事制

致君惟相輔德在和必俟三台之明用增九鼎之重彝倫所屬元氣是調乃眷公才作予良弼銀青光祿大夫行尚書吏部侍郎上柱國河東縣侯裴遵慶体凝清粹理暢黃中學與企經詞深大雅行歸於簡節固其貞公輔之望攸光古人之風非遠累階朝序久踐天臺凡所彌綸多為故事咸有斯在王猷是經庶弘翼善之功克濟投艱之運登榮璫闥忝政兩關宜輟由公之啓以光說命之求可行黃門侍郎同中書門下平章事散官勳封如故上元二年四月

元載平章事制

天位惟艰廟謀是切委在公輔正于四方佇鼎寔之能調補衮章之有

闕春求勵翼式允僉諧朝議大夫守尚書戶部侍郎兼御史中丞上柱國許昌縣子賜紫金魚袋充度支等使元載清明在躬貞固幹事言必可績史而不華准繩朝端金玉王度不有其善適現厥成固是生靈之傑咸推宰輔之器執茲大政叙以彝倫建中于人莫匪尔相丹青神化叅議兩闡宜書一德之篇俾叶賡歌之美可同中書門下平章事兼集賢殿崇文館大學士修國史餘如故

元年建辰月

劉晏平章事制

構廣厦者審象於宏利經万邦者注意於良弼自非道符卜名冠簪裾何以允副虛求式諧時望銀青光祿大夫國子祭酒兼御史大夫京兆尹判度支勾當度支等使上柱國彭城縣開國伯劉晏應期生德維岳降賢文為君子之儒器韞通人之量李苞前典志在於直方詞蔚古風義存於比興自兼京劇職惣均輪變而能通弘適時之務居唯若易多濟物之心頃者戎事方殷軍賦惟錯率皆倚辦每竭推誠冠唯初夷皇猷咨弼周王佐國必自於天官漢代登台咸由於亞相宜膺選衆之舉用成亮采之功可金紫光祿大夫吏部尚書同中書門下平章事進

封城郡開國公食邑二千戶勳及度支等使並如故

廣德元年五月

楊綰常衮平章事制

休國經務亮采惠疇以遂万物之宜以形四方之理弥縫衮職金玉王猷平景緯於台階濟監梅於鼎鼐必先時俊允膺旁求朝議大夫守太常卿兼修國史賜紫金魚袋楊綰瞻學懿文崇德廣業表微藏用適務知章朝議郎守尚書禮部侍郎集賢院學士上柱國賜紫金魚袋常衮志業貞諒理識宏深守正居中確乎堆奪頃以戎車未戢方事仍殷永言庶政有乖彛叙今將本俗刑教澄源振綱宣九德以阜成張四維而翼贊洽于僉論咨尔具瞻往副審詳之誠赫緝特雍之化綰可平書侍郎同中書門下平章事集賢殿崇文館大學士脩國史散官勳賜如故衮可門下侍郎同中書門下平章事太微宮使崇賢館大學士散官勳賜如故

大曆十二年

蕭復劉從一姜公輔平章事制

陸贄

勅宰輔之任獻替為務內凝庶績外撫四夷調陰陽以成歲功贊化育而熙帝載若金用礪其弼予違如早為霖允從人望矧時屬多難弥切任賢朕

未嘗不朝夕論思寤寐懷想道之所在仁遠乎哉朝議大夫守戶部尚書
兼御史大夫守戶部尚書兼御史大夫充荆襄江西等道都元帥統軍
長史豐縣縣開國男賜紫金魚袋蕭復性質端亮理職精敏約已弘物体
方用圓為和益表其異能及雷亟聞其鯁議動可為範立不易方守尚
書吏部郎中兼御史中丞充哀襄江西等道都元帥判官賜非魚袋劉
從一貞白其行溫恭其文居簡而適用必通体和而臨事有立持重能
斯色莊有恒累吏委任多所弘益守京兆府戶曹參軍翰林李士賜緋
魚袋姜公輔志懷濟物鑒必通理主文而諫忠靡退言經始以謀事皆
前定道无屈撓智叶交通並可以參贊大猷允膺僉囑兵戎未靖期尔
經綸都邑未康期尔還定予一人有過尔是用匡伊万姓不寧尔是用
又欽哉慎乃有位罔瘵厥官復可守吏部尚書同平章事散官封如故
從一可守尚書刑部侍郎同平章事賜紫金魚袋公輔可守諫議大夫
平章事賜紫金魚袋

建中四年十月

劉滋崔造齊映平章事

門下朕嗣位君臨精求理道小大之務靡不經心日慎一日于今八載教化未
洽蒸黎未康因之以申兵繼之以災沴斯固鑒有所不至慮有所不周予
衷浩然若涉淵永思所以匡我致理助我官人宣其澤而四方以寧執其要而
百工式序允是大任其惟輔臣寐想勞懷敷求俊乂得茲良弼爰在周行
權知吏部侍郎劉滋操履貞清介然自守居能慎獨動不違仁折理究
其精微勵學探於百趣給事中賜緋魚袋崔造性合道要識通化源適
時有成務之才事上懷匡弼之節蘊蓄氣業自明而誠体賢人可大之
規用君子時中之道虛受能擇清通不流惟滋之直方可以激風俗惟
造之体度可以振綱條惟映精深可以該物理我有大典尔其懋昭厥
猷勿替休問滋可守散騎常侍同平章事造映可各守本官同平章事
散官勳封賜並如故

上元二年正月

李泌平章事制

自昔元后表正万邦必兼聽以求聞乃選賢而自輔理乱之本繫乎其任
授之以道將在之人朕嗣守丕罔運逢多難每虔心至理思致和平之
惕興懷納隍軫慮今干戈甫戢而戎狄為虞豈誠信所未孚何声教之
不洎是以 想良佐遮迪前門云誰之思朕志先定前檢校礼部尚書

陝號觀察使李泌山河粹氣道德清英殿為禎祥生我王國夷簡不雜
高明有融深厚以致誠直方而可大識窮化本動會時中謹正居心謀
猷允哲自膺分陝累洽嘉聞宜其入掌中樞內司闕袞墳兩儀之化育
貞百度之經綸協和神人叅惣廊廟資尔才寔惠于邦家徃欲哉式
佇成績可守中書侍郎同中書門下平章事

正元五
年六月

唐大詔令集卷第四十六

大臣

宰相

命相三

齊杅平章事制

韋執誼平章事制

杜黃裳袁滋平章事制

鄭餘慶平章事制

鄭絀平章事制

武元衡平章事制

李吉甫平章事制

裴均平章事制

李藩平章事制

權德輿平章事制

李吉甫平章事制

李絳平章事制

武元衡平章事制

張弘靖平章事制

常貫之平章事制

裴度平章事制

齊抗平章事制

權德輿

勅寅亮天工緝熙王度調陰陽以逐羣品敷教以統百官必得其人乃濟于理是咨茂德式允具瞻中散大夫守大常卿上柱國賜紫金魚袋齊抗植操清貞秉心諒賢精達政理詳明典彞才器可以濟時忠正可以激俗莅事惟肅休声茂聞且入贊於中初俾發揮於景化式是百辟毗予一人可守中書侍郎同中書門下平章事散官勳賜如故於戲故之得失在於弼諧尔其竭誠啓後以廣視聽盡規獻納以贊謀猷俾人叶中時乃之績无替朕命厥惟懋哉

正元十六年九月

韋執誼平章事制

門下宰相之職寅亮緝熙導陰陽之和贊天地之化裁成百揆惣領庶官

非道契時中識通理太則何以敷暢皇極阜安群黎朕以眇身嗣守丕業思立人紀以承天休其代予言允屬良弼朝議即守吏部郎中騎都尉賜緋魚袋常執誼孝友忠肅自誠而明茂寔本於宗師英華發於事業 叅內著勳直靜專累踐中臺職修事舉克有公望冠于群倫以予冲人龔默思道用是命尔納誨弼達心能刑四方之風成天下之務祇服乃職厥惟欽哉可守尚書左丞同中書門下平章事賜紫金魚袋

永正元年二月

杜黃裳表滋平章事制

輔弼股肱之臣所與共成天功左右邦理者也朕承至尊之重居羣后之上夙興寅畏不敢康寧思所以統天下人之和彰祖宗之列以行四方之政以逐万物之宜敷求哲人以輔台德銀青光祿大夫守太常卿克禮儀使上柱國鄭縣開國公杜黃裳弘深易簡資博厚之德朝議即檢校左散騎常侍兼左金吾衛大將軍克在街使雲騎尉賜紫金魚袋表滋冲茂精微体誠明之性咸以器業閱茂服在大僚祇事先朝克荷休命職達道奧文為國經可以儀刑其察叅綜庶務寅亮天下毗予一人因不同

心以匡乃辟黃裳可門下侍郎平章事滋可中書侍郎平章事永正元年七月

鄭餘慶平章事制

有天下者曷帝常不選賢與能納予輔弼用又厥辟以和群生所以叙
彞倫平憲度達用皇極底於雍熙者也朕祇若大訓罔任舊人疇咨庶
工用佐予理朝議大夫尚書左丞輕車都尉賜紫金魚袋鄭餘慶全器
茂季蹈中秉直易則可久和不流嘗踐禁闈亦忝衮職每尽王臣之
節實彰君子之風服于大僚克有休問洎綜理會府紀綱群司率由舊
章載叶成四固可以儀刑度尹寅亮天上可中書侍郎門下平章事餘
並如故永正元年八月

鄭絀平章事制

朝廷者天下之損幹宰輔者王化之根源朕夙寤晨興講求為理之本
思所以仰承宗廟之重俯協億兆之心諧和陰陽茂育區千以貞百度
以叙九疇佐予成功實賴良弼具瞻之地公望收歸朝請大夫守中書舍人翰
林學士上柱國賜紫金魚袋鄭絀秉仁迪哲守約居易豁以文德擇乎中
庸体元和之倣姿服大雅之明訓累登珽序休有令聞羽儀周行黼葆王

度洎發擇綸翰典職禁闈以溫文雅麗之才居獻納論思之地從容中
節器物尽規先朝任寵委過斯重恪恭夙夜綿歷歲年誠節貫於屯夷
茂勲忝於顧託名書彞鼎心若丹青朕祇膺睿圖誕受明命弘宣大典澤
潤鴻猷保乂于一人儀刑于万国簡于朕志明選厥勞罔任舊人以匡乃辟
疇咨四固罔不食同宜膺弼亮之求武懋弥綸之績於戲為君之難存乎
奉而不任為臣之患在乎知而不言事奉其中政修其本末綏厥位時乃之休
可中書侍郎同中書門下平章事兼集殿大學士散官勲賜如故永正元年十二月

武德衡平章事制

惟人代工與物施化成者元有輔翼者股肱况國之號令本於內史政所關
決審於黃樞爰發四方用凝庶績心求同德資以弼予朝議即守尚書戶
邦侍郎文水縣開國子賜緋魚袋武元衡挺生偉才克振前緒蹈禮
合樂謙厚端和居暗室而不欺處岩廊而益重文能合雅吏心立程再
司石室之圖遂踐春華之署故事可舉嘉猷日新爰委地徑寔惟邦
本勤於小物弘以大綱一心不移於吐茹象務必歸於領會鬱比時望
稱為名臣朕祇奉鴻休懼於負荷居則神明之奧位當億兆之尊常恐

明不燭幽慮不及遠一物未獲万方在予書不云乎臣作朕股肱耳目
是用命尔處茲弼諧尔其憤於將明勉於規誨必思袞闕克或而
從直哉惟清副我明命可朝議大夫守門下侍郎平章事賜紫金魚
袋封如故

元和二年五月

李吉甫平章事制

門下昔周宣王思弘文武之道則以中甫代天工漢宣帝思繼祖宗之風則
以邴魏執邦柄是以克紹煎烈俱稱中興朕以眇身託千人上亦思所以
績烈聖之緒致大階之平懷柔四夷親附百姓將成莫大之業遂獲非常
之才授之鈞衡俾作舟楫銀青光祿大夫行中書令翰林學士上柱國李
吉甫符彩外發清明內融体仁而溫抱義而峻識同精願之皇王致理之源
學該古今窮天人相與之際自擢於綸閣烈在禁園鼓三變之文潤色王
度摠五才之用恭贊廟謨化俗思邁於成康致君願及於堯舜當注思
之所每罄心而陳必深中不迴獨立无懼經綸常見其道遠激切多至
於涕零玉綬以張蜀冠斯弥左右密勿實由嘉言降神而生輔朕為理
調三光以序六氣遂物情而熙帝猷是為中樞司我大本命尔俞往其
惟勗哉於戲宰輔之任安危所寄百辟為憲万邦所瞻與其明察以為公
不若嚴重而有制與其將順於甚美不若匡救於織違審淫謂以序人
倫謹繩墨以正天下交泰之運其若斯乎敬聽朕言以踐乃職可守中
書侍郎同中書門下平章事散官勲如故主者施行

元和二年三月

裴垪平章事制

白居易

門下朕聞后德惟臣良臣惟聖在太宗時實有房杜贊貞觀之業在玄
宗時則有姚送輔開元之化咸克佐我烈祖格于皇天朕祇奉丕圖懋
繼前烈思欲貞百度萬和邦建中于人垂拱而理不惟房宋之化寤寐未
思至誠敢道上帝眷祐果賚良弼輔于一人正議大夫行尚書戶部侍
郎上柱國賜紫金魚袋裴垪器得天爵文為國奉行有根源言無枝葉忠
敬恭貫順人以誠心方繫貞廉輔之以通職王立不可倚扣之有聲洎潤色論
言密參樞務嚴重得大臣之體溫雅秉君子之文每獻納時動有直氣
當顧訪之際言无隱情遠圖是經大事能斷臣予不建特乃之功及領
地官且司邦賦會計務劇出納事躬投利刃而皆虛委焚絲而必理歷
試茲久全才益彰宜登中樞以允僉望夫宰輔者下執邦柄上代天工

為國著龜注人耳目尔尚降乃德以親百姓廣乃志以序九流臣朕心以清化源從人欲以致和氣予欲宣力汝為股肱予欲詢謀汝為心膂子遠望于汝弼勿謂不從汝言逆于朕心必求諸道獨立勿懼宜躬而行明聽斯言敬踐厥位烏虜同俾房宋專美于前可中書侍郎同中書門下平章事散官勳賜如故主者施行

元和三年九月

李藩平章事制

皇王理本繫於輔弼內以熙庶績釐百工外以撫四夷式群后三五已降崇替由之朕祇荷丕圖思底子道夙夜惟厲延登俊賢若涉夫川俾作舟楫朝散大夫守給事中上柱國李藩天鍾粹美氣稟清英信在言前行為人表蘊經邦之識度發自明誠道理道之本根鬱為公器李探旨與文以中貞大玉斯實於東序未絃可薦於清廟廣則唯挹網有容處眾死溷其風標存險嘗推其名節累登華署克贊彌綸擢授左曹專聞駁議永惟股肱之任翼亮是資必求其人豈限常次黃樞選重僉日宜之爰奉朝彰式副公望於虧尔惟率正邪罔不能惟匪躬直誠可以事上惟秉鈞平施可以致和毗予一人允理王事懋乃故績永孚于休可朝

議大夫守門下侍郎同中書門下平章事賜紫金魚袋

元和四年二月

權德輿平章事制

門下夫宰相之任上以代天工輔佐之宜下以立人極爰得忠正方膺股肱正議大夫守太常卿止柱國襄武縣開國侯賜紫金魚袋權德輿器度端寔知資通敏學成師法文為國華素履常踐於貞方黃中允洽於簡自出入清列茂著嘉声名利无屑於中懷風雨不易其常性驥驟之質常識遠途鸞鳳之姿宜巢於阿閭期德俾化反平民尊陰陽之和使物靡疵屬予遠汝弼言无面從君可臣否事心已許用佇弘美式副虛懷可守礼部尚書門下平章事散官勳封如故

元和五年九月

李吉甫平章事制

輔弼之重邦家所屬寄深藩翰則外撫諸侯望功股肱則又熙庶績迭居其任厥惟舊章前淮南節度副大使知節度事管内支度榮田觀察處置等使金紫光祿大夫檢校兵部尚書侍郎兼中書侍郎同書門下平章事揚州大都督府長史上柱國趙國公食邑三千戶李吉甫弘經遠之才研極深之慮脫落納故洞開中懷文稽典慕學昇堂室洎司我密

命言屢表於獨明參於袞職道每彰於孤直貢其誠節竭以公忠隆典
載張彞倫攸序匡予不建懷之豈忘曩以淮海大都吳楚雄鎮歲屬艰
食人多愁聲是假全才用康痼俗下流乎永利不憚乎勞心故蠱以
長唐滫其天澤變芻鹵為稻粱之懷致蒸黎有衣食之源史守成規
元人遷志庶富之教既宣於封內輔相之宜俾及於天下廟茲重務屬
於良臣去其外職之繁專以中樞之任至於別館良史之褒貶內殿集
賢之清秘爰奉舊典式洽新恩无曠厥官往踐乃位可中書侍郎同中
書門下平章事兼集賢殿大學士監修國史散官勲封如故

元和六年正月

李絳平章事制

門下司重柄者允屬於長才熙大猷者固資於端事朕績承鴻緒撫有
萬方夙夜祇勤懼遠於道故注意宰輔勞懷 想誠以得失之効邦家
所繫疇若僉論簡子深表必惟其人是舉成命朝議即守尚書戶部侍
郎驍騎尉賜紫金魚袋李絳質秀珪玉文含采章抱器挺生居貞持
立有史魚秉直之操勵山甫臣儻之誠忠孝兩全學識兼茂清操可以
範雅俗正氣可以肅群倫頃自周行俾參密命動心以義知無不為謇

謇懷匡濟之心孜孜陳遠大之略言无隱避居則靜專貫于初終其
道一致地卿之貳爰委典司理財先示於簡庶利物每懲其聚斂經通
立制器用弥光臺閣之間鬱有公望是且權衡百度宰理庶工允副其
瞻宰我樞務於戲予欲駁人俗以躋富壽咸人心而致和平尔尚修明
憲章宣布德澤必廣大其志无皦察為公恒其道以秉彞裕其休以臨
下各任以職無忘陳平之言苟便於人勿憚蕭何之請劭茲寵擢其
懋哉可朝議大夫守中書侍郎同中書門下平章事勲賜如故主
者施行

元和六年十一月

武元衡平章事制

門下邦國興理將相是資選衆而奉思賢俾入故有合臣外撫宣力以靖於
四方袞職迭居懋功復凝於庶績允茲崇踐爰屬上才前劔南西川節
度副大使知節度事管内支度營田觀察處置統押近界諸蕃友西山八國
雲南安撫等使銀青光祿大夫檢校吏部尚書兼門下侍郎同中書門
下平章事成都尹上柱國臨淮郡開國公食邑二千戶武元衡粹厚端莊
簡易常一有誠明之道以致用有宏茂之略以佐時貞方自得於性術操上

不愆於風雨加以懿文合雅聚季承師通礼樂刑政之源達古今弘變
之要歷登華貫休間穆然洎處鈞衡中立不倚致君思堯舜之盛修職
以邛魏為宗益部大藩比杖兼濟而能布宣威惠撫莅蠻髦縣道輯寧
疲黎安息推心而下皆率附正已而人自嚮方臨之累年理有異等朕
以出納王命緝熙帝圖總庶官之職業為百度之局鍵惟此重任屬于
黃扉分憂遂輟於殿邦具瞻再歸於碩望尔尚行之以忠正煦之以和
平毗予一人膏潤天下祇膺礼命无替徽猷可守門下侍郎同中書
門下平章事兼崇賢館大學士充太清宮使

元和八年三月

張弘靖平章事制

門下虞以為盛猷咨五臣躬之用興亦賴三后朕勵精恭己十載于茲
常以國鈞委之公輔務熙庶績敢怠旁求思欲左右有人在廣股肱之
任歷選列辟洎于藩維莫獲賢能俾匡正道今茲所命允屬至懷河
中晉絳茲陞等州節度支營田觀察處置等使正議大夫檢校礼部
尚書兼何中尹御史大夫上柱國高平縣開國子食邑五百戶賜紫
金魚袋張弘靖德稟精微器含冲用温恭諒寔明允克誠素推君

子之風雅有大臣之体蘊績稽古之學發揮經緯之文常思朕言動叶
謨訓歷踐清貫具揚淑聲爰統方州載膺節制奉法遵道首公忘
私人無不懷績用丕茂予欲正有工之理成太平之階若臨川以重舟
楫是用命爾烈于中台每念臣隣之規以貞棟崇之吉少翁積慶嗣
德漢延文子勤身繼臣晋室尔惟朝夕納誨以翊朕躬是資衮職之
勤式重緇衣之美仍帥司宥之屬俾靖臯陶之刑懋宣厥綵往跋予位
可守刑部尚書平章事散官勳封如故

元和九年六月

韋貫之平章事制

門下弼成大化恭叙彞倫克廣元首之明斯其股肱之任朕所以不自
暇逸務求賢能式重舟楫之才以弘經濟之道疇若于志僉諧乃公中大
夫守尚書左丞上輕車都尉賜紫金魚袋韋貫之清明在 礼樂之器
蘊珪璋特達之德茂兼正博雅之規靜而知微動必有守凡踐列位備
間嘉猷當官而行臨事能斷道可鎮於風俗望弥績於朝倫是而和靜
陰陽紀綱邦國命祚膺列于台階夫能慮四方揆百事愛利萬物辦
倫群才示公忘私時乃之職而况圖靖藩服繫在朝謀爾惟順下以順

訓人奉上以宜力因衆功而致用熙象志為心朝夕獻可否之誠經綸
底文武之績祗膺厥命勿懈于時可守尚書右丞平章事散官勲賜
如故

元和九年
二月

裴度平章事制

門下輔相之任重作予股肱經濟之才唯注人耳目苟非慮研物表識
嗣事先則何以出訥中樞平章大政詢于時論僉曰汝諧朝議即守御
史丞兼尚書刑部侍郎飛騎尉賜紫金魚袋裴度効政徇道清明
秉彛文螭菁華行茂枝葉葉居然廊廟之器出于領袖之門西掖
司言南臺執憲帝陳明略屢告嘉猷實宣力以徇公能周議於事
俾霜雪無改雷風有恒朕欲全現其能外身而憂國歷戎間載馳
使軒王澤渙汗以遐宣軍情密勿而上達將議抽擢因罹震驚崇道
德之藩籬士有致命資忠信之甲冑兵無容刃人具瞻尔天方賚于
昆命于龜爰立作相爾其展四体堅一心廣其道以用賢厚其風以易
俗五兵未戢爾惟保定武功百姓未康爾惟勤恤人隱臨事必斷當
官而行齊台皆於底平補衮職之有闕光膺慎選其式之哉可朝議

大夫守中書侍郎同中書門下平章事勲賜如故

元和十
年六月

唐大詔令集卷第四十七

大臣

宰相

命相四

李逢吉平章事制

王涯平章事制

崔群平章事制

李鄲平章事制

李夷簡平章事制

皇甫鏐平章事制

程昇平章事制

令狐楚平章事制

韓弘中書令制

蕭俛平章事制

段文昌平章事制

崔植平章事制

杜元穎平章事制

王播平章事制

元稹平章事制

裴度平章事制

李逢吉平章事制

李逢吉平章事制

門下朕觀古先哲王興化致理未常不選建良弼熙寧廢工俾之敷陳
大猷左右乃辟者也朝議即守中書舍人權知禮部貢舉輕車都
尉賜緋魚袋李逢吉疏通而守經制質厚而輔以文章貞怕自居和
易待物休賢人之志業茂端士之風規履歷班行發揮事任厥心匪
懈所至有聲自彌綸粉闥駁正璫闥且司言於掖嘗納於訓東儲誠
明一貫門望旁洽俾司貢士弥著嘉聞方今外興不得已之師內有不
獲安之俗怕食於將盱每求於未明冀冀清厚野之誅用止干戈之役
登爾臣輔代予憂勤尔宜宣至化於吾人告嘉猷於厥后銷弭氛祲遵

迎和平章有不奉其中政或未孚于下爾惟啓後無乃面從可朝議大
夫守門下侍郎平章事賜紫金魚袋

元和十一年二月

王涯平章事制

門下上宰叅職所以發三台之耀中樞識政在乎遂万邦之宜朕獲承
鴻休思建皇極冀浚心而訥誨恒注意以來賢通議大夫尚書工部侍
郎知制誥翰林學士上柱國清源縣開國男食邑三百戶賜紫金魚袋
王涯動直靜專踐万居易挺歲寒之勁質抱夙夜之端誠言唯守中
慮每經遠屬者禁垣揮翰五字曰宣選部持衡九流風動荐居肘腋之
地歷試股肱之才進嘗伏於青蒲出不洩其溫樹弁融得大臣之節
毛玠有古人之風詢廟筭以生知倫兵鈐而暗合方今戎車尚駕郊
壘猶多俟清明以消氛祲是用付以機密陟于崇高爾其發號令
以端其四方陳便宜以寬于百姓行臺閣之故事弘朝廷之大体秉
德以立徇公不回俾予一人垂拱而理敬聽成命茂可守中書侍郎平

章事

元和十一年十一月

崔群平章事制

門下成万方之化通天下之志緝帝載昭暢玄猷在于股肱之臣共
凝理本旁求時彥以叙彝倫朝散大夫守尚書戶部侍郎上獲國賜
紫金魚袋在群粹密由道端端莊保和本清明之上才体博厚之重
德孝貫通儒之業詞含大雅之風居茲有恒循性能斷自承我密命
職叅內廷高文煥發於綸言敏識詳達於國典伏奏无挽直躬不面
勤勞八年始終一致春闈取士必後其浮華地官理財能制於輕重
儉以約已忠惟事君才適而用深望積而寔著風猷已洽於人聽倚
屬方注於朕心乃膺審像之誠以副具瞻之望况奸兇叛逆尚駕戎
車未明求衣思戢于櫓尔且酌古今之安奉刑政之中艰厥位以代天
工陳具募以明皇極茲重命往踐台階可守中書侍郎同中書門
下平章事散官勳賜如故

元和十二年七月

李鄠平章事制

弼成庶政必屬於長才經制四方是資於碩望况恭酌理本变和化
源苟非傑賢孰允斯任爰立舊德將諧具瞻淮南節度副大使知節
度事管内支度营田观察處置等使銀青光祿大夫檢校尚書左僕

射兼揚州大督府長吏御史大夫上柱國江夏縣開國侯食邑一千戶
李勣性惟直方器本弘固冲敏足以成務通明可以質疑懷匠王之
忠規蘊經邦之遠略歷居雄鎮累服大僚臺閣藩方動流成式資為
重望綽有餘材必能翼宣鴻猷導迎和祚是用徵拜陟於黃樞竭尔
訃謨司我號令法期畫一俗俾康寧寅亮庶工屬在良輔尔其勤思
至道以洽大和我之勤之往踐厥職可守門下侍郎同中書門下平章
事散官勳封如故

元和十二年十月

李夷簡平章事制

門下致理之道王者由其尽心弼教之功輔臣所以宣力皇極是建蒼
生安乃敷求寔唯倚任斯重將付大政必惟僉諧正議大夫守御史大
夫上柱國成紀縣開國侯食邑一千戶賜紫金魚袋李夷簡才稱通
明惟本嚴重守以正直傳之文華羽儀朝端冠耀宗藉早司邦憲爰
摠地征亂逃先聞於避強經費克均其定制中立不撓孤標出倫声激
貪法行令肅自鎮漢上洎臨蜀川儉德載彰清規一現山岳比厚雷
風有常勵貞峻以理心竭忠勞而奉上人望汲黯印歸趙堯俾之持

上

綱一乃目皆本固可以綜泰廢務允釐百工燮和陰陽宣筭號令是用
申命陟于台階於戲說積爾躬夢協朕志虛已將求其弘濟鯁言
罔懼於弗違道必奉中位无苟曠膺此寵擢劾哉戒哉可守門下
侍郎同中書門下平章事

元和十三年三月

皇甫鏘平章事制

六符成像所以平大階九賦克均所以阜群物爰資宰匠弘贊謀猷達
其富庶之源以致雍熙之化用輔台德其允具瞻朝請大夫守尚書
戶部侍郎兼御史大夫判度支上護軍賜紫金魚袋皇甫鏘行惟孤
貞性本堅直秉仁履義守正之方才適變通辭去枝葉蘊冲用於
靈府表公器於士林夙懷經濟之謀早在賢良之選累踐華貫服于
大僚端肅有常發揮事任自摠邦計貳領地官屬以徵戎車討平淮
寇發輶調食制外自中法无過差動有成績山甫彰勤恪之効志在
奉君夷吾職輕重之權誠宜佐國是用命尔俾昇台司望以拔心勞
乎注意尚興師旅方殄妖氛翼亮是恭經費仍屬尔其悉乃心力副
于簡求物有未遂其宜望有未洽于道回或安位必思匪躬酌下

立

有

土之盛虛中樞之政令光昭厥辟時乃之休可守尚書戶部侍郎同
中書門下平章事依前判度支

元和十三年九月

程昇平章事制

門下昔漢宣帝弘祖宗之業正刑德之本簡求輔相以致中與朕祇荷
丕圖思揚丕緒每懷舟楫以陟巨川俾人不迷用底于道今獲良
弼式允僉諧朝散大夫守衛尉卿御史大夫充諸道鹽鐵轉運等
使賜紫金魚袋程昇厚德外嚴沉機內朗袍精微以致遠本誠明
以格物尽瘁事國誠明在公常探化源雅尚孝術揚歷斯久公望納
於藹然自位列大寮摠茲劇務達權酌之利適財賦之方瞻出納於
邦家申績効於官業頃以淮夷未殄師旅有郊有漕艱之勞兼供
億之費言念多事恐傷吾人而昇法能變通道益明著言无代善
動必曲衷蘊衷唯致君之心見懷道佐時之略况屬饋軍之事尚倚
良能載閱前功宜當大用乃服休命俾叅中樞爰表秩於冬官仍
兼綜於舊職膺茲重任用表全材尔宜左右朕躬朝夕啓沃干戈未

事依前充諸道鹽鐵轉運使

元和十三年九月

令狐楚平章事制

門下贊天工而成光濟叶帝力以致升平非中和稟氣不能符變調
之道非誠明在躬何以膺弼亮之位况今積妖已殄而邊鄙猶虞大
化方行而里閭未泰將欲舉百度甄群材外經四夷內輯諸夏納之
壽域被以仁風代予之勤其孰克任眷求斯得是用命之河陽三城
懷州節度使朝議郎使持節懷州諸軍事守懷州刺史兼御史大
夫賜紫金魚袋令狐楚根於粹厚著以端明表山立之莊容洞泉
渟之精識文高雄富學茂該通自頃揮翰掖垣持囊禁署常延造
昧屢竭沃心發言必誠臨事無惑藹是公望居然國楨及部符近郊
兼暢牧人之術伏節分閫尤深馭衆之萬可謂器適中外効宣文武
宜展舟楫之用式登鼎鉉之司管子中初持我大柄於戲輔翼之任
人臣極未至而衆議有歸既處而其名罕副萬務攸託朕何賴焉
爾其竚聽此言深思其道行致君之志終始勿渝以報國為期夙夜
蓋勵無俾厥后其慙知臣可朝議大夫守中書侍郎同中書門下

平章事

元和十四年七月

韓弘中書令制

門下納不大中樹嘉績為臣所以明極節殊寵進高秩有國所以侍元臣况乎邦教誕敷王言愬會百辟攸憲四方式瞻永念于懷久虛其位載揚戒命僉曰休哉宣武軍節度使知節度事汴豪穎等州觀察處置等使開府儀同三司守司徒兼侍中使持節汴州諸軍事汴州刺史上柱國許國公食邑三千戶韓弘降神挺材積厚成器中蘊深閱之量外標嚴重之姿有匡國濟時之心推誠不耀有夷光禁暴之畧杖義益彰自作鎮浚二十餘載師徒稟訓而咸肅士吏奉法而愈明俗臻和平人用庶富威聲之重隱若山崇屬者淮濱濯征命統群師克弥殘孽惟乃有指蹤之功及齊境興妖分帥進討遂泉元惡惟乃有畧地之効既聞旋旅俄請執珪深陳魏闕之誠遠繼韓侯之志朝天有慶湛露方濃又抗表章固辭戎旅三形敦教所守弥堅于藩于宣謙切於注意我弼我輔難違其哀懇式遂良願載兼上司論道之崇因之以齊八政中樞之長昇之以替萬

務玄袞赤舄倫乎寵光不有其人孰膺斯任於戲出摠兵柄入恭廟謨家國之慶盈門君臣之道交泰為我柱石古今曷傳服而滋恭以佐乃辟可依前守司徒兼中書令散官勳封如故王者施行元和十四年八月三日

蕭俛平章事制

廊廟之任萬邦所瞻調一氣之和序五材之用出納王命發揮帝猷簡求賢能弘我理本朝議郎守御史中丞飛騎尉襲徐國公賜緋魚袋蕭俛識通化源道契休運有載君峻節之志秉見義匪躬之誠代襲公台族高軒冕學貫古今之要詞探雅誥之宗嘗事先朝職居曹密奏議無撓忠勞益彰洎執憲南臺肅清朝序休望弥洽直声曰聞朕方臨萬邦思致于理若涉大水浩無津涯將務簡以安人欲息兵而論道審像而授其代予勤尔其端志絕私去未崇本叙禮樂於邦國教於人倫舉其鈞衡明示天下無俾一德專美予躬尔其敬之奉我成命可朝散大夫守中書侍郎同中書門下平章事仍賜紫金魚袋元和十五年閏正月

段文昌平章事制

眷於良弼期在濟時必惟才臣乃克成務况端潔剛毅可以肅異察敏
裕周通可以熙庶績外無飾虛之礼中有効實之誠簡于朕心乃命以
位朝散大夫中書舍人翰平學士武騎尉賜紫金魚袋段文昌門襲
忠勳器抱才傑廣而不雜峻而能温修詞每掇其菁華所尚者風
格發言必深於指要所貴者變通識古今理乱之源知遐迩利病之
本自掌文翰苑列籍金門出入五年恭勤一致属朕承寶命屢進嘉
猷諒我憂揚之懷竭其忠公之志昨因召見更有咨詢造膝之言
注意斯得必能奉將相明之大任申獻替於虛襟爰昇鼎該之司
冀展丹誠之用於戲万務之始九有所瞻將致洽平可不兢勵尔
其夙夜惟慮以匡朕躬使四夷咸賓百度惟理阜俗必蘇其疲瘵
審官無鬱其賢能理當詳於機深道當固於久大自惟誠可以化
物惟先已可以律人勉哉戒哉無忝我自有命之重可守中書門下
平章事

平章事

元和十五年閏正月

崔植平章事制

夫宰相者上調元和以亮天工下庶庶績以輔君德未有心不直而能
叶于道跡不正而能致其君必求斯人乃命以位朝議郎守御史中
丞武騎尉賜紫金魚袋崔植氣志凝遠風標粹清率性而行潔已以
進周歷臺閣藹然聲猷頃者奸臣未除利權方擅情惟刻下其事將
行而植獨能橫抗申以駁議朕每嘉重不忘于懷自膺寶圖俾掌邦
憲又能悉心秉執造膝敷陳歸於無私多所弘益爰擢作相冀能弼
予於戲性尔先太傅當德宗始初清明首居相位克固直道于今稱
之尔其嗣乃家法無廢朕命可朝散大夫守中書侍郎同中書門下
平章事

元和十五年八月

杜元穎平章事制

李德裕

門下王者昭宣令德臨視百官必有台臣惣其方略况先朝正姦佞
之罪刑海內之心既成大勳付朕洪業思欲述事繼志偃武興文揚
其耿光屬在髦哲朝散大夫尚書戶部侍郎知制誥翰林學士上柱
國建平縣開國男食邑三百戶賜紫金魚袋杜元穎識稟人秀才為
國華器縝密以含章言清明而體要廉方不雜峻直無徒洞朗

鑿而心運陽秋鼓雄詞而氣幹河岳爰以精粹列於內庭通賈生
理亂之言達管氏政刑之本未至高位蔚為名臣間者妖孽相挺
紛亂南北朝夕機命迅如風霆而翰動若飛神無滯用思職必盡
其心力避榮保其謙光虔奉綴衣導揚訓命雅就忠貞之志實有
安定之功本於忘身受我以德感激無隱切劘盡規既納誨於
三篇亦陳戒於大事朕常委以大政詢其遠猷研機必精應變當
理布舊章於河朔推大信於昆夷無所諧實由密贊全器輝耀淑
聲流聞昇於台階允是瞻望於戲昔爾先祖為唐宰衡惟爾傳臧
孫有後之慶秉召公是似之德纂舊服協於志公思貽厥之謀率
攸行之道抵制羣動衡平衆邪俾人不迷時乃之積可守戶部
侍郎平章事

長慶元年二月

王播平章事制

元稹

門下昔蕭何用新造之漢而能調發子第宥補敗亡使關東糧餽
不絕者以其盡得秦之圖籍而周知其衆寡也我國家乘十一聖
之區寓提億兆人之生齒而曰不能足食足兵朕甚懼焉則非陰

陽撫夷夏者不欲侵泉化之任而主會計校盈虛者不得叅邦國
之重乎予將兼之允在能者諸道監轉鐵運等使太中大夫守刑
部侍郎騎都尉大原縣開國男賜紫金魚袋至播在德宗時以對
詔入仕踐更臺閣由御史中丞大京兆掌縣官監鐵為眷曹尚書乃
長巴髻以控蠻蜒盡稱厥職達于予聞洎詔徵還便殿與語得所未
得開照然發矇機至前席重委操剗銚刀益精固有羨財而人不加
賦東師在野物力蕭然不有主張孰能敷濟是用命尔作相仍以
舊務因之尔其西脩戎羗東定燕奠內實九府外豐萬人百度羣倫
因不在尔於戲典謨訓誥行之具存邪正是非知之孔易子惟以為
不敏不明茲故用尔為股肱耳目有安能一二戒誨垂之空言尔其勵
于尔心無令人觀聽者論尔於御校可守中書侍郎同中書門下平
章事依前充監鈇轉運等使散官勳封如故

長慶元年十月

元稹平章事制

門下朕御大器者登俊賢以為輔弼大化者擢公忠以施政教故能
成天下之務達天下之情俾三光宣明百度貞正我之注方得其人

天寔賚予允副僉望中散大夫守尚書工部侍郎上柱國賜紫金魚袋元稹
珪璋茂器鳶鳳貞姿文涵六義之微學探百氏之奧剛而有斷忠不近
名勁氣嘗勵於風霜敏識頗知於今古自恪居朝序林間再揚不自飾以取
容不苟安以迴慮直忘屈在毛若夷卓然懷陶鑄之心豁爾見江湖之量
間者司文禁署主朕樞機每因事以立言累披誠而獻計心唯體國義
乃身深陳物之方雅見經邦之志朕思弘理本用洽生靈式資康濟之
材以暢和平之化於戲尔率于正則不正者知懼尔進于善則不善者
必悛惟直道可以事君惟至公可以格物秉是數德略于一人永孚于休
以底於道可守尚書工部侍郎同中書門下平章事散官勳封賜如故

裴度平章事制

涉大川者操巨艦不畏於洪波措廣廈者揭宏材乃安於棟宇朕祇奉
神器尊臨万邦思弼諧輔相之臣致易簡雍熙之業爰德耆舊委之
衡樞冀弘嘉猷以闡玄化淮南節度大使知節度事管内營田現
察處置等使光祿大夫守司空同中書門下平章事兼揚州大都督
府長史上柱國晉公食邑三千戶裴度氣稟宏廓林優康濟達

識高議聖明不渝刑儀可以光巖廊度量有以方海岳搥握政柄弛張
化權彞倫典謨合若符契昔我先聖以武略深計中樞密勿委之廟堂
四海咸理朕立席虛已勞懷膺吁禮命元老聞斯格言衷懷洞然雲
霧皆豁是用輟撫淮海舉之台袞授具戎律列自黃扉秩崇上公望
積師長寄尔以蕭曹任尔以珽埴授尔以鈞衡於戲衽席樽俎之內堂
室牖戶之間無侯窺臨可以觀察不違宴息其尔折衝庶乎陰陽叶和
品物昭泰惟言是納尔舉必從使益稷臯陶爾無慙德垂衣南面我獲
任賢無易斯言式遵明命可守司空兼門下侍郎同平章事散官勳
封如故

長慶二年二月

李逢吉平章事制

朕聞天地洪鑪鼓之者橐籥帝王大業成之者股肱堯舜垂衣禹湯
恭己弘道任德為予輔臣則八表清寧萬邦感埋故伊尹之舉臯陶之
昇庶績其疑不仁自遠正議大夫守兵部尚書輕車都尉李逢吉
大方比量中正持心貞王無暇堅金在礪峻節而高山是仰惟誠而
止水可觀剛柔所持吐茹易往以青宮齒學導我典墳儀刑式乎蘭

臣馨茂洎昇台席翊奉先朝訂謨密聞獻贊潛達外順招德中深
至言溫恭聿修始一貫朕嗣守丕業思得賢良將侯和美期於舊
老易之衰漢居以南官每詢嘉言啓後惟久今授之相印委以樞
衡代天之三爾在專任於發獻號施令選賢與能申於百辟之上
行於四海之內朝無黨比人絕澆淳白黑粲然淄澠不溷使巖廊重
仁揚我清風弘宣大猷以暢王度可守門下侍郎同中書門下平章
事散官勲如故

唐大詔令集卷第四十七

唐大詔令集卷第四十八

大臣

宰相

命相五

韓弘中書令制

牛僧孺平章事制

李程平章事制

竇易直平章事制

裴度平章事制

韋處厚平章事制

王播平章事制

路隋平章事制

李宗閔平章事制

牛僧孺平章事制

宋申錫平章事制

李德裕平章事制

王涯平章事制

李宗閔平章事制

賈餗平章事制

李固言平章事制

韓弘中書令制

帝王之理天下也外有方岳所以宣教化內立宰輔所以秉樞衡授任之重莫踰人臣之位斯極至於出分垣翰入作股肱非問望尊高功庸顯赫則何以允膺僉屬光贊謀猷前忠晉絳陞等州節度觀察處置使開府儀同三司守司徒兼中書令河中尹上柱國許國公食邑三千戶韓弘德器寬和識度宏遠才資英特學茂韜鈴鈐特蕭何畫一之心有將干立斷之利頃以間河石地藩屏近郊爰輟台臣杖茲我節以清靜廉平之理收我黎元通明簡正之方撫我師旅奸盜自息欺詐不生晨飲年夜無驚犬五郡富庶已飽仁惠之風三軍訓齊既習嚴明之令寧資借冠是用徵黃今選日來朝乘軒即路宜先極拜光我

元臣上宰三公崇秩俾復乃位惟其敬之可守司徒兼中書令散

封如故

長慶二年十月

牛僧孺平章事制

舟楫所以濟大川棟梁所以成大厦舟具而湍波不竦材真而廊廟用崇朕若涉之心浩然增畏垂衣端拱期在股肱是用擢彼英髦付以衡右朝議郎守尚書戶部上柱國賜紫金魚袋牛僧孺方直秉心誠敬由已玉潔持操松貞表姿文著經邦業推匡代中立不倚孤標介然日者選自南宮綸西掖昇諸憲府授以人曹典謨訓誥之詞紀綱准繩之度施之必當僉曰汝能朕將寄以台階委之鼎鉉貞我廢績澄諸化源爾宜克念前修聿懷明哲乾坤易簡之法廣日月無私之照使風俗厚澆淳自化好惡不競爰倫永清於戲予視以能乃昇于位我心慎悻惟賢是求昔公孫弘以射策馳聲名光相府今爾以揆天高稱亦踐台司勉同素之風克副高陶之舉乃加命秩用表新恩可朝散大夫尚書戶部侍郎同中書門下平章事勳封如故

長慶三年三月

李程平章事制

門下理多務者必資經遠之能摠衆材者寔在選舊而任之疇咨與
議參詢廟庭果獲誠臣予虛位正議大夫尚書吏部侍郎上柱國
渭源縣開國男食邑三百戶賜紫金魚袋程文含鍾律器挺珪璋
行已蹈常與物無宏早以詞翰密將惟惺開弘碩問發揮訓謨周旋
臺閣閱歷中外透造稱其得俊衡鏡表於無私卑牧難踰深藏不擢
朕負荷重構祇守大業自顧寡昧動遵先規委成台司不操匠斲自
居無悔之地以馳至正之途而元輔披陳勇於進類常思任人與自任不
若因賢以求賢命之僉求以明名列上而程為舉首是必至公爾宜謹繩
墨以視諸侯平好惡以待多士來彛倫以流競覈名寔以鎮浮虛叶睦
乃僚無替朕命爰因銓品之鑒載佇烹飪之功可尚書吏部侍郎同中書
門下平章事散官勳賜如故

長慶四年五月

竇易平章事制

門下昔周宣王漢宣帝思弘祖業克紹先構用申甫卬魏為相然後
周道重熙漢德累洽朕以冲眇託於德億兆之上緬惟文祖玄宗之理
若涉大水浩無津涯詢於岩廊俾舉髦碩果人得才傑副予虛求心

惟其心乃命以位朝議郎守尚書戶部侍郎兼御史大夫判度支
柱國賜紫金魚袋竇易直端厚靜懿直方簡廉氣深而和識敏而
達每出華而務實不為善以近名早以器能揚歷中外司憲著紀綱
之績廉俗垂惻隱之仁輟于天官掌我邦計底慎財貨鈞均節委輸
給不窮瞻濟皆是國有大柄屬於全才况朕新臨寶圖万務資始審
像而授其代予言爾尚弼予一人用底予道且漢以丞相調兵食以冢
宰執歲成我家國雜用古制以重其事也爾往欽哉無忝我成命可朝
散大夫守尚書戶部侍郎同中書門下平章事判度支

長慶四年五月

裴度平章事制

朕周觀帝王之道春秋富則倚附舊老享曆久則簡擢俊髦故我玄宗
開元之始任宋璟姚元崇之輩以調陰陽東國之後乃用李元紘張九
齡之儔以承法度洎予恭守大位于今三年巖廟藩封建于左右前後
皆皇祖聖父之人罔有易置况勳望冠代器業絕倫副予揣掄贊此休
運九百有位劬而聽之山南西道節度觀察處置等使光祿大夫守司
空同中書門下平章事興元尹上柱國公裴度以忘家抵患協于憲宗

以匪躬不撓佐于先帝十拜相詔四登師壇接士猶布衣之心忠時急
戀闕之思價重乎內外名殷乎華夷藉是風猷俾泰大柄且蒲吾志亦
用僉聞於戲君臣合符不可多得千載一遇猶為_比肩爾宜援古以自
強番後以居重文終之畫一平陽之并容諸葛持衝之公相如引車之
意率彼四子足為成人服茲昌言往踐乃位可守司空同中書門下平
章事仍令所司擇日備禮冊_{寶曆二年二月}

韋處厚平章事制

措大厦者寔先梁棟之材濟巨川者必資舟楫之用朕越自藩邸膺期
大統夙夜震兢若蹈泉谷況齊眊思又艱步甫寧上奉山陵七月之期
內佇訏謨庶政之始臣我眇末寘之樞極將恢興運之功俾協具瞻之
望博元名寶獲茲忠賢寔命賴予其誰與讓正議大夫尚書兵部侍郎
知制誥克翰林學士上柱國賜紫金魚袋韋處厚體道為徒見議能往
居易以行古至和而不流水霜挺松柏之姿貞白秉珪璋之德文揮風
雅學該儒玄器洽而保之以謙識明而用之以晦選自經藝侍于穆宗
擢司密命實贊先帝壹彼直操彰其遠猷臨危勵難奪之誠推忠備

弘益之道屬者變生宮掖謀俟經綸首恭底定之功載竭忠貞之効雪
憤橫涕披肝貢詞約我以禹陽罪已之勤博我以古今致理之
要聽必感動悉其將陳洪纖靡差寤卜斯協必能式是中外啓茲
雍熙俾予冲人克_{垂拱}是用擢升鼎鉉式亮帝圖庶無愧於知
人且用光於斯道於戲前哲有言良臣惟聖處殷憂舉衆之任荷
濟理沃心之期任四方傾聽之勤在百度惟新之際無怠于誨無廢撫
於身無曠於登庸無忽於詢之慎尔初守固其持平協而廷卿士之和
必復貞觀開无之令政用又乃辟圖非在中崇易簡久大之規茂庶富
阜康之績勿替明戒時惟永圖汝往欽哉無忝我命可中書侍郎同中
書門下平章事散官勳賜如故_{寶曆二年十二月}

王播平章事制

宰相之任所以撫鎮國家出納王命弼亮刑政燮和陰陽為一人之股肱
注四方之耳目僕射之職在於叅贊萬務統率六官師長百寮愷臨臺
寺冠中朝之碩望為多士之具瞻其有以司利權累分閭寄位重邦教
任隆台階爰因入覲之榮再賜登庸之命俾昇鼎鉉用輟旌旄淮南節

度副大使知節度事管内營田觀察處置臨海^監牧等使兼諸道監
鐵轉運等使銀青光祿大夫檢校司徒同中書門下平章事揚州大都
督府長史上柱國大原縣開國百食邑七百戶王播知識精深機神敏
達長才適於通變雅量得於寬明並登將壇仍佩相印休聲早振於
全蜀成績近著于惟陽山澤之貨無遺輸轉之資相漸用佐經費克
彰忠勞朕獲守宗祧君臨億兆尚賴匡救底于輯寧於戲尔有嘉謨
我求懿德將期納誨以及交修冀霖雨之濡能普施於四海舟楫之
利無專美於一方寵以端揆之崇仍茲擢莞之重往踐乃位汝其欽
哉可尚書左僕射同中書門下平章事依前充諸道監鐵轉運等使
散官勳封如故^{大和元年六月}

路隋平章事制

綏緝萬邦寔資乎亮首弼成庶績允屬於股肱將以道宣化源崇固理
本立我皇極贊于時邕故任賢著於禹謨納誨彰於說命眷求懿
德斯惟僉諧中散大夫守尚書兵部侍郎知制誥克翰林學士上^車
車都尉賜紫金魚袋路隋性稟中庸氣含大雅身無擇行學不為

人敏識周道宏才恢博挺然仁者之勇蔚為君子之儒祇事穆宗侍經
內殿敷堯舜之大典暢周孔之遺風雅言玉音奧義永釋潤色王度發
揮聖聰出入禁闈踐歷華貫位彌高而唯謹任愈重而滋恭逮及先朝
復叅密命雍容侍從早已賦於甘泉左右便蕃未嘗言於温樹周旋九
載終始一心直道匪^道謹言盈耳每訪謨猷之指用陳匡益之誠出不忘
於詭辭退必聞削^道藁器可經國忠能致君跡其公正之方用升毗倚
之任於戲干戈未息爾其弘智用以靜寇攘候戎尚勤爾其宣柔服
以懷戎狄均國賦以阜安百姓振朝綱以綜覈群才退無後言動必
慮善貞爾百度弼予一人寵以峻階委之極務往踐厥位時乃之休正
議大夫守中書侍郎同中書門下平章事勳賜如故^{大和二年十二月}

李宗閔平章事制

王者祇順天道統理人極茂育品類燮調陰陽必在旁求股肱宣翼機
務朕嗣守寶位于今年屬滄景構奸河朔未靜兵甲屢蒸黎匪寧納
隍在予輟食興歎今苗顏既革華夏思安爰登台^登臣弼我元化正議
大夫尚書吏部侍郎上柱國襄武縣開國侯食邑一千戶賜紫金魚袋李

宗閣立德秉彛履道居業文行可以經邦國忠正以動神祇周知變通識達今古自望高多士明重四朝奉絲綸於掖垣平銓綜省闈公直有裕清貞自持固可以相導雍熙光膺寤下匡台德用濟巨川宜昇樞軸之尊俾叶鈞衡之政於戲知臣匪易求賢惟膺三台之崇贊萬機之重啓汲義注于予衷爾其舉正去邪以清百辟提綱舉法以肅羣司簡政勤心以安兆姓惟誠忠恕以靖四方嚴制度以弘典常信賞罰以旌滌慝有犯無隱進思弼違服茲寵光尚致予理劾戒休命無替嘉猷可守本官同中書門下侍郎平章事散官勳封如故大和三年八月

牛僧孺平章事制

昔漢宣帝用丙魏以盛中興之業我玄宗任姚宋以致開元之理其術無他得賢而已朕猥居大寶首涉五年宵旰靡遑憂勤至切將倚任於國柄宜登進於人傑俾其復運樞極載清化源漸自朕懷允膺僉屬武昌軍節度使鄂岳蘄安黃申等州觀察處置等使金紫光祿大夫檢校吏部尚書同中書門下平章事持節鄂州諸軍事鄂州刺史上柱國奇章郡國公牛僧孺氣含元精體包大雅職用夷密襟靈沉粹窮聖賢旨

奧之學鋪邦國經緯之文蔚為名臣秀出群萃長慶御曆登賢濟人廊廟有光臣工得職代天協理時乃之休先朝與能出兼征鎮毗俗丕變師旅大和宣力事君時乃之績朕飽聞器業虛貯風儀會曹叅之促裝喜韓侯之來覲便殿延對前席與言通古今理亂之全源知教化損益之物務其應如響不知所然是宜卿長夏官平章大政康之齊四海毗予一人於戲君不能自為堯舜必待其臣以致臣不能自為伊臯必待其君而任之致則期於盡忠任固在於致聳善然後上下交泰君臣相須爾其使百官得其人萬事得其序邪正之路必判清濁之流必分根堅一心捉制羣類無重否德予皆仰成可兵部尚書同中書門下平章事散官勳封如故大和四年正月

宋申錫平章事制

出納大命宰司化元調四氣以統和天人百度以鎮安夷夏必資髦傑用委鈞衡朕嗣守丕圖思弘至理萬務之重屬于台臣太席勤求異匠不迨况素効久彰於密勿精材已得於詢謨擢自內廷授以袞職爰立左右斯為得人朝議郎守尚書右丞上柱國賜紫金魚袋宋申錫岳降

全德天資正性處約居厚蹈中秉彝文每掇其菁華學必探其玄蹟風播休
問拔乎羣倫自選于周行忝我內署奉職恭肅率心坦夷蘊冲用以究國
經鋪訓詞以潤王度密贊彌久弘益茲多朕累因暇日召於別殿訪以
大政觀其立誠而曾襟洞開盱眙無隱識精詞直實契虛求固可以提
持化權恭決理本是用昇於鼎鉉付以樞機由仙闈惣轄之司當宰府
瞻具之地熙此廢績弼予一人於戲元首以司牧萬方服肱以協贊皇
極上推公以馭下臣竭忠以載君際會交感而臻大化虛視前古何莫
由斯予方悉是道以臨兆人爾宜悉乃心以成一德勅戒厥位永孚于休
可正議大夫行尚書右丞同中書門下平章事勲賜如故

大和四年七月

李德裕平章事制

弼亮鈞衡宣翼統紀明景化以凝廢績啓嘉謀以建大中爰求國積以
補台德銀青光祿大夫守兵部尚書上柱國贊皇縣開國伯食邑七
百戶李德裕元精孕靈和氣毓德堅直成性清明保躬貞規澹夷敏
識冲遠學綜九流之奧文師必義之宗令問蕭彰僉諧允屬自提綱
百署掌誥禁闈釐紀律詳平之司竭訏謨密勿之節洎庶視浙右

惣鎮涓臺再委旌麾緝安印蜀克有殊政咸懷去思諒獨惟全才茂此
聲績朕以疇庸之典彛訓所先入遷司馬之崇弥精濟川之望是宜納
誨朝夕擢居股肱弘伊呂之勲以嗣帝平之美業傳相印聞襲戎綏旃
紹絲綸內職之榮維鼎鼐中樞之重珪緩之盛恩輝罕傳爾罄乃忠貞
副我毗倚無忝成命朕茲寵光可守本官同中書門下平章事

大和七年七月

王涯平章事制

居端揆之任再踐國鈞替筦推之功兼司邦計爰崇舊德以緝貌規
簡自朕心用光僉屬金紫光祿大夫守尚書右僕射充諸道監鈇轉運
等使上柱國代郡開國公食邑一千戶王涯元精降靈體道秉哲恬智
成性清貞保躬文行可以經邦風操可以鎮俗以明用晦處貴茲恭憲
宗以禁署竭忠擢登輔弼先帝以台階宿望寵投旌旄陰陽燮調藩服
寧謐機務允理政經交修洎銓綜九流式序百禮提釐紀律統明貨泉
法必便人事先體國聲績茂暢洽于群謠朕以邊鄙防禦猶存兵戎資
儲之備供億尚繁頃者支費轉輸任分兩使量入制用誠患多門俾足

食以豐財在省元而簡務是用合此三柄委于元僚正資通變之初籍
我股肱之重勉思率職無或憚煩苟成乃心致承休命可守本官同中
書門下平章事克度支及諸道鹽鐵轉運使

李宗閔平章事制

職代天工望歸人傑必資求舊允副僉諧山南西道節度管內觀察處
置等使銀青光祿大夫檢校禮部尚書同中書門下平章事兼興元
上柱國襄武縣開國侯食邑一千戶李宗閔岩廊主人宗室全德才惟
不器道寔生知粹茂體陰陽之和周旋成禮樂之用外弘疎朗中實誠
明白壁凝溫朱絲秉直文窮三變學洞九源早以忠規契予審象雅有
略能宣大猷底寧戎蠻協贊郊祀可見而進知唯靡回啓必常罄其嘉
謀造昧必聞其法語行父事君志存於嫉惡臯陶承弼道遠於不仁康濟而
金耗有倫燮調而玉燭無爽謇諤勵大臣之節端莊清至化之源修明
典章慎選方岳敷我利澤臻于洽平自出鎮漢中既周星律巴俗雖歌
乎采暮國人頗遠於思遂用徵還蓋從公望及延召宣室益如前等是
宜再陟中樞直修衮職咨爾良輔其聽朕言夫天地交泰則時利君

臣新合則國治眷求一德出紉萬機勉弘如水之心式副濟川之用命
官圖及於私昵詔爵必俟於賢能俾庶績惟凝彝倫攸叙無忝注意
之戒之可守中書侍郎同中書門下平章事散官勳封如故

賈餗平章事制

寅亮皇猷丹青景化爰從選衆之舉乃得非常之才前浙江西道都團
練觀察處置等使朝議大夫檢校禮部尚書使持節潤州諸軍事兼潤
州刺史大夫上柱國姑臧縣開國男食邑三百戶賜紫金魚袋賈
餗識達韻孤學士行直貞和自立介特不羣能操至公每契中道聲逸
群聽吾諧朕心自尹京師尤彰望寔亟召便殿屢陳嘉謀罄肝膈以納
忠規推誠明而無外飾察言考事深用得之近命列藩聞僉論固可以
恭我大政陟于中樞天起予懷賚此良弼爾其守制平鈞衡自主度以
振國經釐百工以凝庶績舉直措枉當官而行於戲為君之戒在知賢
而不任為臣之患在保位而不言圖或依違虧吾則哲可守中書侍郎
同中書門下平章事散官勳封如故

李固信平章事制

大和九年四月

惟昔太宗聰明睿聖克致治平惟魏徵佐佑文祖叶建皇極矧朕寡薄
思紹丕烈旁求魏徵之比真諸巖廊庶臣不逮用底于道御史大夫
李固言生於山東瑞此王國爰在下位早揚直声介然明中立不懼
文經邦俗行表人倫和嶠負棟梁之材辛毗有骨鯁之操便蕃華貫光
啓令圖日者徵自近郊延於便殿言多方格道不容回嘉謀有倫正色
無撓朱絃暢流越之韻夷玉呈特達之姿洎長憲彌彰休問固可以斟
酌理本燮調化源疇咨僉同寐卜斯協命尔予翼倚為股肱登于黃樞
叅我大政尔當一乃心志罄其忠貞澄清品流旌別淑慝俾四夷左社咸
率吾教侯伯卿士各稱厥官罔日唯理其至公罔日弗能惟其悉力欽
我成式無忝前良可門下侍郎平章事大和九年七月

唐大詔令集卷第四十八

唐大詔令集卷第四十九

大臣

宰相

命相六

舒元興李訓平章事制

鄭覃平章事制

李石平章事制

李固言平章事制

陳夷行平章事制

楊嗣復中章事制

裴度中書令制

崔鄴平章事制

崔珙平章事制

杜棕平章事制

李回平章事制

崔鉉魏平章事制

崔龜從平章事制

魏謩平章事制

舒元興平章事并李訓平章事制

出納王命流品衆職覃理化於區夏謹法度於岩廊是有文可經邦
才推濟代列於百辟之上俾揮三台之光今我寐勞果獲惟肖爰奉並
命以寵非常朝議郎守御史中丞兼刑部侍郎上柱國賜紫金魚袋舒
元興杞梓長材金玉正性道懷邴魏詞瞻菁英君然不器之能雅蹈中
庸之美自擢領綱紀肅清朝廷碩望允歸於應其謹言莫匪乎禮因守
兵部郎中知制誥充翰林學士賜緋魚袋李訓軒纓鼎族河嶽間賢
德茂臯濩文含推誥窮易象繫之表吐論成邦國之經洎忝職內
庭發揮王度盛業見乎造昧明識藹於伏蒲並冲敏執中端粹不倚
咸蘊莫磷之志克弘作勵之規珪璋有声鸞鳳其采朕常法宮商視
所寶惟賢方清化源遂得時傑嗚呼君執象以端宸臣推公以秉鈞
夙夜一心小大同體則和天地序陰陽臻乎洽乎五所寢寤尔宜率

匡國之道明理之方俾俾其致君無愧往烈咸陟樞柄佇弘大猷秋官
禮闈莫非寵任祇廟成命往惟欽哉往者朕究大易皆訓之義也尚未終卷
政事之暇且二兩日一度文翰林元興可守尚書刑部侍郎同中門下平章
事訓可守尚書禮部侍郎同中書門下平章事仍賜紫金魚袋

大和九年九月

鄭覃平章事制

朕嗣守丕圖務弘至理夏勤是切宵旰靡違所以庶政萬機悉委丞相
乃者失於任使故疹遽生方思正人叅我大柄銀青光祿大夫守尚書
右僕射上柱國榮陽郡開國公食邑二千戶鄭覃天資直氣嶽降上才
惟准端莊道本孤峻文含風雅學洞儒玄通古今理亂之源達教化損益
之要歷踐華貫周族大僚休問彰於搢紳政事滿於臺閣載居講席密
勿內庭曾襟洞開肝膈無隱嘗奏謹議發言有先見之明每勵貞規
勇退守獨立之節洎擢膺揆務總領庶言堅操不回墜典皆舉盡瘁
憂國竭忠載君必能毗予一人康濟四海邪正之路既別清濁之流自
分於戲秉茲鈞衡委乃髦碩尔其使萬事得其序百官得其用人
賢罔不精立法罔尔慎弼亮刑政變和陰陽其聽朕言往踐厥位

克紹先德岩廊有光可守本官同中書門下平章事散官勳封如
故大和九年十一月

李石平章事制

朕嗣位君臨精求至道日慎一日于今十年所期輔佐之臣為我至理中立匪懈知無不為今得其人果副僉屬朝議郎尚書戶部侍郎判度支上柱國賜紫金魚袋李石操履堅貞志業弘茂性合道要識通化源累佐藩方備聞勳績用司夕拜之任族加尹正之榮爰委則征備宣試効是宜擢膺弼廩政徑爾當勤成務之規率致君之道內貞百度外靖四方叅毗萬規課程積盡匪躬之節竭宣力之能大振朝綱兼司國計致億兆之庶富威方夏之人安副予知臣勉茂林烈可朝議大夫守本官同中書門下平章事仍依前判度支勳賜如故大和九年

李固言平章事制

自昔皇王之有天下也君非臣岡以濟其理臣遇君然後顯其才以調陰陽以承法度雖堯舜不能自聖雖皋夔不能自賢君臣相須今古同體余之寐卜寔有慕焉檢校兵部尚書兼興元尹御史大夫山南西道節度

管內觀察處置等使李固言稟河岳之上虛孕乾坤之間氣孤退獨立公忠自持擅菁莪之雄丈洞百要之奧學仁婦信厚動合典謨岩廊正人中外全德官業風望躬乎華夷歷居大僚咸稱厥職乃者擢自副相委之樞衡不依違而徇人每精恪以憂國躬而謇諤彌勵絕私而節操不渝洎杖錢漢中頌我條詔端岩以訓齊師律寬惠以綏撫蒸黎遂用徵還俾別公議召至宣室前席與言聽其誠詞皆臻理化是宜再忝大柄正位寅樞為朝廷之股肱聳播紳之耳目康濟四海毗予一人是非岡及於愛憎任用必分其清濁有犯無隱進思彌遠勿忝吾知更光爾道可守門下侍郎同中書門下平章事開成元年四月

陳夷行平章事制

王者任賢能所以緝熙庶績舉正直期乎獻可彌違苟非懋茲四德可以光大任翰林學士將仕郎守尚書工部侍郎知制誥兼太子子侍讀上騎都尉賜紫金魚袋陳夷行精降靈厚載儲社聚蓄英粹作時休詳懷道清貞軌德兼茂行高嵩華弘包容之偉量明洞水鏡韜妍蚩於默識潔遇物能容雖墻岸孤峻襟抱夷曠孝友為修己之具文學誠潤

身之餘衆推全才時號端士須在廊署雅有名稱是用擢居襟密碑輔
導元良論辯見賢人之業教諭得名臣之體星館屢改才術弥彰古稱
旁求寐下冒若選之於言行是用付以致柄登于台階任茲鈞衡之重
處以臯夔之秩人所注意予將仰成勉陳啓沃之術以副具瞻之望可
守本官同中書門下平章事散官勲賜如故

開元二年四月

楊嗣復李珣平章事制

運行帝載翊贊天工必自輔臣以宣至化將益秉鈞之重是資並命之
求諸道監鐵轉運等使正議大夫中戶部尚書上柱國弘農郡開國伯
食邑七百戶賜紫金魚袋楊嗣復動心居言正惟在公峻若孤山清猶
上水從故稟詩書之教承象達禮樂之源朝議郎守戶部侍郎判戶部
事上柱國賜紫金魚袋李珣質本溫明才推俊茂智能周物弘不容非守和
有君子之儒可大見賢人之業咸挺傑秀稟元積玉必為時寶稱希代便蕃
清秩操履有常調黃鍾而協諧和米絃而踈越或惣重鎮敷惠宇人卒乘
有輯睦之功惇發者昭蘇之詠洎入司和賦爰掌版圖事未公望猶鬱是
可以宰領樞務用弼于遠叙彛倫而建大中罄訄謨而調元氣入寧華

夏保令神人宜中補袞之規致我乘衣之理於戲孔明匡鼎峙之國尚
聞魚水之詞夷吾輔霸業之君猶致鴻翼之諭矧于抵荷丕措雖未克
前修造次之間而不忘遵道宵衣盱食一紀于茲災殄尚生於早蝗
黎元屢困於衣食中夜靜慮若涉大州將求津涯俟爾而濟爾謂
是靡以拂吾心而不行爾謂非靡以徇吾志而苟用開物成務俾人
於得時求賢審官寧我以多士則魚水鴻翼夫何足言勉副簡求無
添我休命嗣復可守本官同中書門下平章事依前克諸道監鐵轉
運便勲賜如故珣可守本官同中書門下平章事依前判戶部事散
官勲賜如故

開元二年正月

裴度中書令事制

緝熙改柄亮采皇猷弘道德而輔昌圖調陰陽而平景緯我惟求舊人
亦與能正位台階寔資元老河東節度現察處置等使開府儀同三
司守司徒兼中書令太原尹北都留守上柱國晉國公食邑三千戶
實封三百戶裴度星辰稟秀山嶽炳靈文蔚采章量苞江海負經邦
之遠略懷許國之明誠研幾而識洞著龜運籌而道光竹帛風雨一

致儀刑四朝萬和所瞻有辟為憲相揚 鴈塞達旆龍山謹管籥而
戎索烟清壯襟帶而軍牙氣肅虜絕南牧聲雄北門銘茲殊庸朕
所嘉歎是用專授衡軸俾清源統和神人茂育區夏大宰相之任作予
股肱外可以懷柔四夷內可以親附百姓大可以贊亭毒阜生成小
可以激貪廉正雅俗尔有林躅予不重言至於玉立岩廊風行號令端
若植表為時司南開予曾襟端我視聽寔賴人傑代茲天工爰罷麾
懂再操舟楫度展乞言之禮豈唯論道之尊佇竭訂謨無毗倚可守
司徒兼中書令散官勳封如故 開成三年十二月

崔鄴平章事制

朕丕承寶圖思臻理古小大之政皆侍輔臣選衆惟難得人而授中大夫
守太常卿上柱國賜紫金魚袋崔鄴資正性岳降懷材慎揚霍震之四
邁高陶之九德抱負直質秀發英華動心蹈中言皆體要聚學每同
於精願馳騁九流橘文若秦乎笙簧抑揚三代鴻重唯挹豁聲自高乃
者入典訓詞出司後造能用周密靡混言蚩銓摠以明允為先庶察以
清澄為重踐其職頭有休功秩宗之選方登公台之論彌鬱由是酌其望

實付以鈞衡恢予之規摹廣予之耳目於戲宰相之任弼諧是資予欲
使六氣均調惟爾贊予欲使万方平乂義爾成予欲使臣得職惟爾諧
予欲使斜正不乱惟爾翼言罔慮於咈耳進無亡於沃心貞觀開九之
法度具存房魏姚崇之規猷盡在咨爾丞相舉而行之可守本官同中
書門下平章事散官勳封如故 開成四年七月

崔珙平章事制

一日萬機熙帝載者輔相予違爾弼成台德者服肱天將瑞時必有
人傑况當出震之日實藉濟川之才諸道監鐵轉運等使銀青光祿大
夫守刑部尚書上柱國崔珙應期而希代之寶量涵海嶽明並日生懷
倜儻之竒姿抱英邁之正氣挺質而珪璋比德影纓而冠蓋盈門立言
每見於經邦行已諒先於反物早特旄節亟踐齊壇柔擴悱為忠義之心
變封疆為禮樂之俗信入人腹今行軍牙及尹正神州儀刑郡國剛能嫉惡
明可照奸三輔弘取則之風四方稟承流之化泉司鏡擢益茂器能精若鑑
金利逾淬刃歲以饒羨國用富強豁乃成功元諧選衆是宜亮采皇極陟
降台階調陰陽於至和濟生震於將泰四維咸舉百度以貞俾時式康

佐朕為理夫周以冢宰制國用漢以丞相調兵食猶帖牢盆之務徃居
鈞軸之尊於后德后德惟臣良臣惟聖汝其納誨予亦踐言免符魚水
之資永替文明之運服茲休命劬之劬之可守本官同中書門下平章
事依前克諸道鹽鐵轉運等事

開成五
年五月

杜悰平章事制

朕顧惟眇身纘承大措思有以允釐百事表率万邦售髦傑於台階庶
緝熙於帝業布誠聽問側席眷求爰於岳牧之中戴叶著龜之兆乃舉
成命以副具瞻淮南節度副大使知節度事克諸道鹽鐵轉運等使光
祿大夫檢校尚書右僕耐杜宗器于恢弘襟度夷曠學通九經之要道
符百行之源塞務不彫貞玉無玷忠信勵事君之節勤慎得成務之才任
曆躬繫志惟匡益洎臨淮海兼掌貨泉開張多濟物之功饒羨指助軍
之獻既而積粟應輓駝弊待供師徒歎食之虞餽給有贏財之備克就
戎事在我元由臣是付以國鈞俾司邦計仍征租莞推之重務籍輸經
濟之良能師長具察亦從舊貫徃踐大位爾其欽哉於戲惟理乱在庶
官矧乎轉翼之臣寅亮代天之化必在恭脩政本振起皇綱興禮樂以

厚人倫竭謀猷以清氛稔期於啓沃以弼尤違無金玉尔音將孤于虛
佇也可檢校尚書右僕射同中書門下平章事克度支兼諸道鹽鐵轉
運等使

會昌四年閏
七月甲辰

李回平章事制

我唐之盛宣曰貞觀開元則有若姚公宋公彌論大祿雖二祖之克聖亦
良弼之賴朕自應寶詐于茲六年未嘗一日不念貞觀開元之志理其命
相也敢容易哉是用蓋臣真臻于道戶部侍郎判戶部事李回夙雲玄
感山岳降神蔚為人寶好道天爵心無適莫惟直是從事不古滯應機
輒發靈府可以調元氣宏材可以濟巨川有君子欲詢之言有賢人可
大之業掌綸四掖克潤玉猷簡南臺是推邦宜每楊清以激濁嘗持正
以照邪凡有敷揚皆稱朕意况副予愛子功機和我掌彼版圖時惟舉
職歷試皆可寔獲我心是宜叅務中樞啓揚庶績式先帝載且寵正人
劬徃欽哉無念休命可中書侍郎同中書門下平章事克集賢殿大學
士依前判戶部事

會昌五年
五月乙丑

崔鉉魏扶平章事制

潤色王業允侯良臣丹青帝圖必資於宰臣朕嗣膺天大寶思聞鴻猷
永惟化源寶寔屬髦傑所期調六氣以遂物摠萬機而富人寐帝賚于
爰立作相正議大夫守御史大夫崔鉉山河秀氣徑緯長才金聲含正
始之和玉立在風塵之表正議大夫行尚書兵部侍郎判戶部事魏扶
天與全德性惟中庸有致遠之宏謀負佐王之盛業並操身特立抱氣挺生
高操旁映於群倫明議動符於大雅早登華顯備閱休嘉穆然清鬱有素望
居易求己秉仁立誠每懷憂國之心益竭徇公之志或早以精慮升于鼎司
深陳造膝之言密勵匪躬之節或嘗以敏用服于大寮智有動於機推才
復推於練達爰委綱憲仗明名而立朝亦摠地鄉嘗會訐而徑國紀綱式
叙征賦饒陟其休庸付以大柄朕欲宣明號令弘濟主靈致寰海之又安復
河隍之士守尔宜從容奏議朝夕揣摩副華夏之具瞻展舟航之大用
輔教彰服明訓式式揚茂勳鉉可中書侍郎同中書門下平章事扶可
守本官同中書門下平章事

大中三年四月

崔龜從平章事制

丹青神化寅亮天工將寄陶鈞必師歸才望故漢中大業魏邴克替其

謀開元盛時姚宋同匡其治理嘗覽前載緬懷斯人寤寐以求夢卜終
叶適當舉衆不讓知賢戶部尚書判度支崔龜從道峻嵩華志凌煙霄
氣包允精識邁前哲巖廊符瑞禮樂英華弘道多鑒物之明堅正抱
佐時之術而學窮源要詞涌濤波吐論素勵於公忠理躬不踰於信厚
烈大方燧珪璋更寒飛霜已嚴竹栢猶翠自出入劇職徊翔清途經歷
五年恭勤一貫粉署潔賜之衣探掖垣高白風之文澄清宣威節持重
暨位延舊德再掌地圖任勿良材移專國用問閭不因怒藏有餘邦賦
程均節之能軍食表供頌之効我有好爵本邀茂勳况乎國積宜在人
傑是用命汝同心弼予升于鼎司執此政柄言甫德全於文武產回望
著於台衡既具瞻寔允元輔當酌古訓以恢令猷怙人部喉舌之雄免
計曹經費之務其爾鎮撫式彰顯崇於戲惟木從繩載懷藥之石誠惟
風偃草莫流霖雨之功與其順美以昭忠不若盡規而輔德與其嚴形
而就理不若濟禮以安人佇聞嘉言共底交泰無令伊傳獨美典墳可
戶部尚書同中書門下平章事

大中四年六月

魏暮平章事制

天下能獨運任寒暑而成歲功君臣所以稱尊仗股肱而應帝載高拱
巖廊之上卒成天地之宜故風后登庸軒圉以穆文終佐理漢業遂昌
何莫由斯夫豈相遠矣爰感風雲之會果符寐卜之求屬在休求期俾
升良弼戶部事魏謨膺賢運之問氣負王佐之洪材山岳孤高珪璋特
達遵德忠信資次脩身文章政事乃其餘力自騰芳詞苑振迹諫垣文
宗知臣深加寵遇檢校甚峻守道不回未志達官蔚為國器星霜屢變
流落幾途秀木摧風燎原見王汲黯心乎廊廟望之至在於本朝朕獲
奉寶圖勵精理本盡神人隱思變時雍佇聞宣室之言是有夕靡之拜
偉其風望委有憲綱正色立朝不仁自遠貳于卿秩掌我地征吏不敢
欺身無代善彌見精強之用頗聞流衍之能朕常咨以謨猷觀其識略
動中理會慮必輸忠切靡每賴其沃心慷慨不忘於造膝是宜樹為明
表載之休聲俾增輝於三台允僉諧於四岳於戲調鹽梅元之鼎濟舟
楫之巨川上為四方之安危下繫羣生之舒慘提是任者不其重歟夫
激濁揚清衆自聳善著誠去偽人斯歸厚爾其開張教之其導迎陰陽
之和使萬各遂其宜百官得任其體昔爾先祖為度輔臣人鏡之名阿

衡 德爾尚纂承義訓克嗣清風免思貽厥之謀以闡將明之業勿畏
嫌而避事無執謙以自疑永孚于休用規乃績可守本官同中書門下
平章事依前判戶部事 大中五年
十月戊辰

裴休平章事制

我國家之稱至理其唯貞規開元乎雖盛德成於祖宗而致君存乎輔
弼委是不措付于冲人實咨獻臣其荷洪業俾登玉鉉用振全声正議
大夫守禮部尚書克諸道監鐵轉運等使裴休明堂梁棟清廟瑚璉道
崇五美學綜九流持去邪與善之心蘊尊主濟時之術早升甲乙首冠
賢良諫垣馳謹正之名史氏動直之筆羽儀著定律呂播神仙闡道播
於彌綸右掖詞推於潤色三臨藩郡皆垂良吏之能二四卿曹益見大
臣之體洎乎司貨泉之重莞山澤之財用適變通法均寬猛大計如富
強之業常規多饒羨之功人無告勞刃有餘地是可以載光職爰陟台
階式贊雍熙宜應寐卜爾其允釐庶績盛訏謨陟天川而示爾津涯
馭六馬而遺吾衡策俾臻皇極克嗣前修於戲人代天工予達汝弼
悉乃心力作吾股肱無使阿衡專美於躬家山甫獨稱於周室勉弘銘

德勿忝虛懷可守本官同中書門下平章事依前充諸道鹽鐵轉
運等使

大中六年八月

唐大詔令集卷第四十九



